

საქართველოს მთავრობის

დადგენილება №

2026 წლის ---- ქ. თბილისი

„რძისა და რძის ნაწარმის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2015 წლის 3 აპრილის №152 დადგენილებაში ცვლილებების შეტანის თაობაზე

**მუხლი 1.**

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „რძისა და რძის ნაწარმის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2015 წლის 3 აპრილის №152 დადგენილებაში ([www.matsne.gov.ge](http://www.matsne.gov.ge), ..... ) შეტანილ იქნას ცვლილება და დადგენილებით დამტკიცებული „რძისა და რძის ნაწარმის შესახებ ტექნიკური რეგლამენტის დამტკიცების თაობაზე“ :

**1. მე-5 მუხლის მე-2 პუნქტი ჩამოყალიბდეს შემდეგი რედაქციით:**

“2. ბაზარზე განთავსებული რძე, რძის ნაწარმი და რძის შემცველი პროდუქტი ეტიკეტირებული უნდა იქნეს ამ ტექნიკური რეგლამენტისა და „ტექნიკური რეგლამენტის - მომხმარებლისათვის სურსათის შესახებ ინფორმაციის მიწოდების თაობაზე დამტკიცების შესახებ“ საქართველოს მთავრობის 2016 წლის 1 ივლისის N301 დადგენილებით განსაზღვრული მოთხოვნების შესაბამისად“.

**2. მე-5 მუხლს დაემატოს შემდეგი შინაარსის 9<sup>1</sup>, 9<sup>2</sup> და 55-ე პუნქტები:**

„9<sup>1</sup>. ბაზარზე განთავსებული რძის შემცველი პროდუქტის ეტიკეტზე, რომელიც დამზადებულია არარძისმიერი ცხიმის გამოყენებით, ხედვის ძირითად არეალში განთავსებული უნდა იქნეს დანართი N1-ით განსაზღვრული უნივერსალური პიქტოგრამა.

9<sup>2</sup>. თუ შეფუთვის აქვს რამდენიმე მსგავსი ხედვის ძირითადი არეალი, ხედვის ძირითად არეალად მიჩნეული უნდა იქნეს ბიზნესოპერატორის მიერ შერჩეული ხედვის ძირითადი არეალი, რომლის დანახვა სურსათის შექმნისას მომხმარებლის მიერ ერთი შეხედვით ყველაზე მეტად არის შესაძლებელი და, რომელიც მომხმარებელს საშუალებას აძლევს სწრაფად განსაზღვროს სურსათის მახასიათებლები.

55. არარძისმიერი ცხიმის გამოყენებით დამზადებული რძის შემცველი პროდუქტი მომხმარებლისათვის წარდგენილი უნდა იქნეს რძისა და რძის ნაწარმისგან განცალკევებით, განთავსების ისეთი მეთოდის გამოყენებით, რომელიც უზრუნველყოფს „ტექნიკური რეგლამენტის - მომხმარებლისათვის სურსათის შესახებ ინფორმაციის მიწოდების თაობაზე დამტკიცების შესახებ“ საქართველოს მთავრობის 2016 წლის 1 ივლისის N301 დადგენილების მე-6 მუხლის მე-4 პუნქტის „ბ“ ქვეპუნქტით განსაზღვრულ „სამართლიან საინფორმაციო პრაქტიკასთან“ დაკავშირებული მოთხოვნების შესრულებას“.


### 3. ტექნიკურ რეგლამენტს დაემატოს შემდეგი შინაარსის დანართი N1:

#### „დანართი N1. უნივერსალური პიქტოგრამა



უნივერსალური პიქტოგრამა

1. უნივერსალური პიქტოგრამა განთავსებული უნდა იქნეს ხედვის ძირითად არეალში და უნდა შეესაბამებოდეს წარმოდგენილ მოდელს.
2. შეფუთული ან ტარაში მოთავსებული რძის შემცველი პროდუქტისათვის, უნივერსალური პიქტოგრამის დიდი ღერძის სიგრძე (AB) უნდა შეადგენდეს არანაკლებ 3.0 სმ, ხოლო პატარა ღერძის (CD) სიგრძე არანაკლებ 2.0 სმ-ს.



3. უნივერსალური პიქტოგრამა წარმოადგენს ფაილს – ai- Adobe Illustrator ან PDF cmyk ფერების სპექტრში. კერძოდ, უნივერსალური პიქტოგრამა უნდა იყოს იისფერი და განსაზღვრული CMYK ფერთა სპექტრში : CMYK 40/85/0/0 ან CMYK 60/100/0/0
4. უნივერსალურ პიქტოგრამაში წარმოდგენილი ინფორმაცია უნდა იყოს ფონის კონტრასტული, ფიზიკურად ხილვადი, რაც მომხმარებლისათვის მის ვიზუალურად აღქმასა და ხელმისაწვდომობას უზრუნველყოფს. უნივერსალურ პიქტოგრამაში ინფორმაციის განთავსებისას, ნუსხური („პატარა“) ასოს სიმაღლე უნდა შეადგენდეს არანაკლებ 2.0 მმ-ს.
5. ფონტი გადაყვანილია ვექტორში.
6. დაუშვებელია უნივერსალური პიქტოგრამის ფერების და დიზაინის შეცვლა, გარდა იმ შემთხვევისა, თუ ფერადი პიქტოგრამა ფერად ფონზე გამოიყენება, რაც ართულებს მის ვიზუალურ აღქმას, ამ შემთხვევაში, ფონთან კონტრასტის შექმნის მიზნით, დასაშვებია უნივერსალური პიქტოგრამის საზღვრების კონტურის ხაზის ჩარჩოში ჩასმა.“

## მუხლი 2.

„რძისა და რძის ნაწარმის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2015 წლის 3 აპრილის №152 დადგენილებაში ცვლილებები“ ამოქმედდეს 2027 წლის 1 იანვრიდან.